

- da obezbijedi sigurnost i zaštitu ljudi, objekata i stvari za vrijeme izvođenja radova
  - da prilikom izvođenja radova poduzme sve mjere kako ne bi naosio štetu ili ometao treća lica
- da eventualno nastale štete koje trećim licima nastanu u vezi sa izvođenjem radova iz člana 1. Ovog ugovora isključivo odgovara izvođač radova, te Naručilac u vezi s tim ne snosi nikakvu odgovornost.
- da o svom trošku svakodnevno odvozi građevinski materijal i održava čist prostor u i oko prostora gdje se izvode građevinski radovi.

#### **Član 8.**

Izvođač je dužan pridržavati se utvrđenih rokova definisanih u ugovoru i prihvaćene dinamike izvođenja radova.

Izvođač radova ima pravo produženja ugovorenih rokova u sljedećim slučajevima:

- uslijed više sile, što podrazumijeva vanredne vanjske događaje ili pojave, ili prirodne događaje (poplava, potres i dr.),
- ljudske radnje koje se nisu mogle predvidjeti ili izbjeći, ili ukloniti,
- mjere predviđene odlukama nadležnih tijela.

U ovom Ugovoru "viša sila" znači događaj koji je izvan kontrole Izvođača radova i koji ne podrazumijeva pogrešku ili nemar Izvršioca i koji nije predvidljiv.

Ako dođe do situacije više sile Izvršilac odmah u pisanom obliku obavještava Naručioca o takvom stanju i njegovom uzroku. Ako Naručilac u pisanom obliku ne zatraži drugačije, Izvršilac nastavlja ispunjavati svoje sporazumne obveze u mjeri u kojoj je to realno izvodljivo i nastoji naći sve realne načine za izvršavanje obaveza iz ugovora koje ne sprečava viša sila.

Rok za dovršenje radova produžit će se za onoliko dana koliko je trajala smetnja, uzimajući u obzir i vrijeme potrebno za ponovnu organizaciju rada i nastavak radova. Izvođač radova je dužan podnijeti zahtjev za produženje roka Naručiocu u roku od 8 (osam) dana po nastanku razloga za produženje roka.

Produženje roka utvrđuje Naručilac a na obrazloženi, od Nadzornog organa prihvaćeni prijedlog Izvođača radova u pismenom obliku i to u roku od 10 (deset) dana od dana dostavljanja prijedloga.

Ukoliko Naručilac ne odgovori u roku od 7 dana, smatra se da je prihvatio zahtjev Izvođača radova.

Izvođač radova se obavezuje da za svaki dan prekoračenja ugovorenog roka, ako rok nije u skladu sa odobrenom dinamikom, plati Naručiocu na ime ugovorene kazne 0,2% ugovorene cijene, iz člana 2. Ugovora, a maksimalno 5%.

### **PRELAZNE I ZAVRŠNE ODREDBE**

#### **Član 9.**

Izvođač daje garanciju za kvalitet izvedenih radova od 12 mjeseci, računajući od dana primopredaje radova.

Garancija se odnosi na izvedene radove i ugrađeni materijal.

Pod garantnim rokom se podrazumijeva obaveza Izvođača da o svom trošku otkloni sve nedostatke na izvedenim radovima, koji su nastali usljed nesolidno izvedenih radova ili lošeg kvaliteta ugrađenih materijala od strane Izvođača.

Izvođač je dužan otkloniti sve utvrđene nedostatke u roku od 5 (pet) kalendarskih dana od dana prijema pismenog zahtjeva Ugovornog organa.

U slučaju da Izvođač ne otkloni nedostatke u zadanom roku, Ugovorni organi (potpisnici ovog Ugovora) mogu ugovoriti otklanjanje utvrđenih nedostataka sa drugim izvođačima, a za te troškove teretiti Izvođača.

Izvođač radova odgovara za nedostatke u skladu sa zakonskim propisima i Posebnim uzansama o građenju.

Izvođač radova ne podliježe odgovornosti za nastalu štetu i raskidu Ugovora zbog neizvršavanja obaveza, ako i u onoj mjeri u kojoj je njegovo kašnjenje izvršenja Ugovora ili drugi propust u izvršavanju sporazumnih obaveza rezultat više sile.